


ივანე ჯავახიშვილის სახელობის თბილისის სახელმწიფო უნივერსიტეტის გამომცემი 1927 წლიდან



თსუ-ში არნოლდ ჩიქობავას დაბადებიდან 110 წლის იუბილე აღინიშნა



ახალი წიგნი

უნივერსიტეტი

31

მარტი, ორშაბათი, 2008 წ. №4 (2071)

ფასი 30 თეთრი

სწორად განსჯის ის, ვინც განსჯის თავისუფლად!

თსუ-ში საბერძნეთის დამოუკიდებლობის დღე აღინიშნა



საბერძნეთი თითქმის ორი საუკუნეა ეროვნულ დღესასწაულს 25 მარტს აღნიშნავს. ამ დღეს ბერძენებმა საერთო ელინური აჯანყება წამოიწყეს, მრავალწლიანი ბრძოლის შედეგად ოსმალური უღელი მოიშორეს და ევროპას საბოლოოდ დაუკავშირდნენ.

მანია ტორაძე

ივანე ჯავახიშვილის სახელობის თბილისის სახელმწიფო უნი-

ვერსიტეტში საქართველოს პარტნიორი ქვეყნების ეროვნული დღესასწაულების აღნიშვნის ტრადიცია 21 მარტს საბერძნეთის

დამოუკიდებლობის დღისადმი მიძღვნილი ღონისძიებებით გაგრძელდა.

საზეიმო სხდომა გახსნა თბილისის სახელმწიფო უნივერსიტეტის რექტორმა, პროფესორმა გიორგი ხუბუამ, რომელმაც ბერძენ ხალხს ეროვნული დღესასწაული მიულოცა. მან აღნიშნა,

რომ უნივერსიტეტის მხრიდან ეს ერთგვარი მოკრძალებული მცდელობა იმისა, რომ ხაზი გაესვას — რამდენად მნიშვნელოვანია ქართული კულტურისთვის ბერძნულ კულტურასთან დაკავშირებული ნებისმიერი ასპექტი.

„თბილისის სახელმწიფო უნივერსიტეტს საბერძნეთის უნივერსიტეტებთან ურთიერთობის დიდი ტრადიციები გააჩნია. საბერძნეთი, ბერძნული კულტურა, ქართველებისთვის ათასწლეულების წინ იყო ცნობილი, თუმცა ასეთი კავშირებიც კი მუდმივ განახლებას საჭიროებს. ნიშანდობლივია, რომ ელინისტიკამ უნივერსიტეტის დარსებისთანავე მოიპოვა ადგილი ჩვენს სამეცნიერო და სასწავლო პროგრამებში, რისი შედეგიცაა ის, რომ თბილისის სახელმწიფო უნივერსიტეტის ელინისტიკის ცენტრი დღეს რეგიონის მასშტაბით ერთ-ერთი წარმატებულია. თსუ-ის კლასიკური ფილოლოგიის, ბიზანტინისტიკისა და ნეოგრეციისტიკის ინსტიტუტს აღიარებენ არა მარტო საქართველოში, არამედ მის ფარგლებს გარეთაც. ამის მაგალითი გახლავთ ცოტა ხნის წინ გამართული დიდი საერთაშორისო კონფერენცია თემაზე — „არგონავტიკა და მსოფლიო კულტურა“, რომელშიც მსოფლიოს მრავალი ქვეყნის წარმომადგენელი მონაწილეობდა.“

მე-3 გვერდზე

როდის დასრულდება უკრაინის პერიოდი მეცნიერთათვის?

მე-4 გვერდზე

გამომცემი, რომ მოსახლეობის პოლიტიკური შეგნება და კულტურა უფრო მაღალია, ვიდრე ოპოზიციის

მე-5-6 გვერდზე

რატომ მოითხოვს რუსეთი აფხაზეთისთვის ეკონომიკური ემბარგოს გაუქმებას

მე-6 გვერდზე

საზოგადოებრივ მაუწყებელსა და საზოგადოებას შორის „ჩატახილი სიდი“ უნდა აღდგას

მე-7 გვერდზე

„ადამიანი ენობრივი არსებაა და იგი მისი ენით აბეჭდულ სამყაროში ცხოვრობს“

მე-9 გვერდზე

რას მოუტანს დადამინას კლიმატის გლობალური დათბობა და გუნებრივი კატასტროფები

მე-12 გვერდზე

პოეტები არ კვდებიან, ისინი მხოლოდ იბადებიან საქართველოში

მე-14 გვერდზე

„ილაპარაკეთ ქართულად და გააგებინეთ მათაც, ვისაც არ ესმის“

ქართული ჟურნალისტიკის დღე თსუ-ში

ქართული ჟურნალისტიკის დღის, ქართული ჟურნალისტიკის საუკუნოვანი ისტორიისა და მისი მნიშვნელობის სიმბოლურად აღნიშვნის ადგილად, უკვე მეორე წელია, ივანე ჯავახიშვილის სახელობის თბილისის სახელმწიფო უნივერსიტეტი იქცა. 21 მარტის პროფესიულ დღედ გამოცხადებას, შესაძლოა, თავის დროზე სხვადასხვა მოტივი და არგუმენტები დაედო საფუძვლად, მაგრამ თსუ-ში მისი განსაკუთრებულად ცნობის ინიციატივა ჟურნალისტიკის მიმართულების პროფესორ დალი ჩიკვილაძეს ეკუთვნის, რომელიც ჟურნალისტიკის ისტორიის ათვლის სათავედ პირველი ქართული გაზეთის „ტფილისის უწყებანის“ გამოსვლის თარიღს — 1819 წლის 21 მარტს (ძველი სტილით 8 მარტს) მიიჩნევს.

ხათუნა ხატიანაშვილი

„ცხოვრებაში ყველაფერი იწყება და შემდეგ გრძელდება. დასაწყისი ძირითადად რთულია და დღეს პრესის, ტელევიზიისა და ინფორმაციის გადაცემის სხვადასხვა საშუალებების მფლობელი — 21-ე საუკუნის ჟურნალისტიკის სწორედ იმ პირველ გაზეთს უნდა ვუმაღლო-

დეთ“, — ასე მიმართა დალი ჩიკვილაძემ კურსდამთავრებულებს და მომავალ პროფესიონალებს.

ქართული ჟურნალისტიკის დღე უნივერსიტეტში საზეიმო ვითარებაში აღინიშნა, სადაც თავი ამ დარგის ყველა თაობის წარმომადგენელმა მოიყარა. ფართო საზოგადოებისთვის ცნობილი და ნაკლებად ცნობილი ადამიანები მოკრძალებული ემოციებით შეეცადნენ საკუთარი

მოსაზრებებისა და საინტერესო დეტალების გახსენებას.

რა თქმა უნდა, ამ სფეროში შემდგომი პროფესიული საქმიანობისთვის უნივერსიტეტის როლი და მნიშვნელობა დიდია, მაგრამ არსებობს ასპექტები, სადაც პროფესიული ხარისხი ხშირად კრიტიკას, დამოკიდებულებების გადახედვას, რალის დახვეწას, ან სულაც შეცვლას მოითხოვს. როგორც მომავალი ჟურნალისტიკისა და საზეიმო ღონისძიებაზე დამსწრე საზოგადოების წინაშე გამოსულმა უფროსი თაობის წარმომადგენლებმა აღნიშნეს, თანამედროვე მედიის „სუსტი ნერტილი“ თავად ის ქართული ენა და სიტყვაა, რომლითაც ჟურნალისტიკის უმთავრეს და ურთულეს ფუნქციას ასრულებს.

„მტკიცება არ სჭირდება, რამდენად რთულია თავისუფალი სი-

ტყვის გამოხატვა. საზოგადოების მედიატორის თითოეულ სიტყვაზე ბევრი რამ არის დამოკიდებული და უსამართლობა იქნება იმ გამოცდილებისა და დამსახურების უარყოფა, რომელიც ამ პროფესიის ბევრ წარმომადგენელს მიუძღვის ქვეყნისა და თანამედროვე საზოგადოების წინაშე“, — ასე მიმართა თსუ-ის რექტორმა გიორგი ხუბუამ ჟურნალისტიკის სფეროში მოღვაწე, ყველაზე ძველი თაობის იმ კარგად ნაცნობ სახეებს, რომელთა შორის ბევრმა პროფესიული გამოცდილება საუნივერსიტეტო განათლების გარეშე მოიპოვა და, გარკვეულწილად, ჟურნალისტიკური კულტურის ჩამოყალიბებაშიც სერიოზული როლი ითამაშა.

მე-3 გვერდზე

ბრძანებები

№13/01-01

05.03.2008

№16/01-01

24.03.2008

2007-2008 სასწავლო წლის გაზაფხულის სემესტრში იგ. ჯავახიშვილის სახელობის თბილისის სახელმწიფო უნივერსიტეტის ფაკულტეტების სასწავლო პროგრამით გათვალისწინებული სასწავლო დისციპლინების განმეორებით მოსმენის პროცესის მონეორეგების მიზნით „უმალესი განათლების შესახებ“ საქართველოს კანონის 22-ე მუხლის შესაბამისად

3 ბ რ ძ ა ნ ე ბ ი:

1. სტუდენტს უფლება აქვს საგანმანათლებლო პროგრამით გათვალისწინებულ ვადებზე და დაფინანსების (სემესტრული გადასახადის) ფარგლებში განმეორებით მოისმინოს ცალკეული დისციპლინები სემესტრულ სამუშაო ნორმად დადგენილი კრედიტების ოდენობის დაცვით.
2. სტუდენტს, რომელმაც საგანმანათლებლო პროგრამით განსაზღვრულ ვადებში ვერ მოიპოვა შესაბამისი აკადემიური ხარისხი, უფლება მიეცეს თვითდაფინანსების გზით დაასრულოს სასწავლო პროგრამა მომდევნო, არაუმეტეს, ოთხი სემესტრის მანძილზე. დამატებით სემესტრში სწავლის საფასური განისაზღვროს მიმდინარე სასწავლო წელს დადგენილი ტარიფით. ცალკეული დისციპლინის განმეორებით შესწავლის საფასური განისაზღვროს საგნისათვის მინიჭებული სრული კრედიტული მოცულობის შესაბამისად, ბაკალავრიატში ყოველ კრედიტზე 25 ლარის, ხოლო მაგისტრატურაში 35 ლარის ოდენობით.
3. თსუ-ს ან პარტნიორი კვლევითი ინსტიტუტების ყოფილ ასპირანტებსა და მაძიებლებთან, რომელთაც შესასრულებული აქვთ სასწავლო ან კვლევითი კომპონენტის გარკვეული ნაწილი, თსუ-ის დოქტორანტურაში ჩარიცხვიდან ორი თვის ვადაში დაიდოს ინდივიდუალური ხელშეკრულება, რომლითაც განისაზღვრება შესასრულებელი მოთხოვნები და გადასახადის ოდენობა. გადასახადი გამოითვალოს შესასრულებელი კრედიტების შესაბამისად, ერთ კრედიტზე 35 ლარის ოდენობით.
4. უნივერსიტეტის ფაკულტეტებს მიეცეთ უფლება ნიჭიერი სტუდენტთა ნახაზის ფონდის ფარგლებში დააფინანსონ ბაკალავრიატის, მაგისტრატურისა და დოქტორანტურის სტუდენტთა სწავლა ნაწილობრივ ან სრულად ფაკულტეტის მიერ წინასწარ შემუშავებული კრიტერიუმების საფუძველზე.
5. სტუდენტი უფლებამოსილია ადმინისტრაციული რეგისტრაციის გავლიდან არაუმეტეს 4 კვირის ვადაში მოითხოვოს

6. სტუდენტის მიერ თსუ-ში დადგენილ ვადებში ადმინისტრაციული რეგისტრაციის გავლის გარეშე სასწავლო პროცესში მონაწილეობა არ წარმოშობს მის უფლებას, მოითხოვოს დამატებით ადმინისტრაციული რეგისტრაციის გავლა და მიღებული მომსახურების (შუალედური შეფასებების) აღიარება.
7. ბრძანების შესრულება უზრუნველყოს უნივერსიტეტის სასწავლო დეპარტამენტმა.
8. დაევალოს საერთო განყოფილებას (ნ. ოსიანიკოვა) უზრუნველყოს ამ ბრძანების გადაცემა უნივერსიტეტის ფაკულტეტებისა და სტრუქტურული ერთეულებისათვის. ბრძანება საჯარო გაცნობისთვის გამოქვეყნდეს გაზეთში „თბილისის უნივერსიტეტი“, უნივერსიტეტის ვებ-გვერდზე და მოხდეს მისი ყველასათვის ხელმისაწვდომ ადგილზე განთავსება.
9. კონტროლს ბრძანების შესრულებაზე განვახორციელებ პირადად.
10. ბრძანება ამოქმედდეს ხელმოწერისთანავე.

რექტორი, პროფესორი
გ. ხუბუა

№44/02-01

21.03.2008

ივანე ჯავახიშვილის სახელობის თბილისის სახელმწიფო უნივერსიტეტის დოქტორანტურაში სწავლის საფასურის ოდენობის დადგენის შესახებ „უმალესი განათლების შესახებ“ საქართველოს კანონის 23-ე და 24-ე მუხლების საფუძველზე

3 ბ რ ძ ა ნ ე ბ ი:

1. დოქტორანტურაში სწავლის სემესტრული გადასახადი განისაზღვროს 1000 ლარის ოდენობით.
2. დოქტორანტთა სწავლის გადასახადიდან ნაწილობრივ ან სრულად გათავისუფლება განხორციელდეს თსუ-ის რექტორის 05.03. 2008წ. №13/01-01 ბრძანების მე-4 პუნქტით დადგენილი წესების შესაბამისად.
3. დაევალოს საერთო განყოფილებას (ნ. ოსიანიკოვა) უზრუნველყოს ამ ბრძანების გადაცემა უნივერსიტეტის ფაკულტეტებისა და სტრუქტურული ერთეულებისათვის.
4. ბრძანება გამოქვეყნდეს გაზეთში „თბილისის უნივერსიტეტი“ და განთავსდეს თსუ ოფიციალურ ელექტრონულ გვერდზე და გამოიკრას თვალსაჩინო ადგილას.
5. ბრძანება ძალაშია ხელმოწერისთანავე.

ადმინისტრაციის ხელმძღვანელი
გ. ვალდავა

რექტორი, პროფესორი
გ. ხუბუა

საუნივერსიტეტო რეფორმის სპალინდელი დღე

თინათინ მარბალი-ტაძე, სასწავლო დეპარტამენტის უფროსი: — ივანე ჯავახიშვილის სახელობის თბილისის სახელმწიფო უნივერსიტეტმა „უმალესი განათლების შესახებ“ საქართველოს კანონის შესაბამისად რეფორმირების რთული გზა გაივლო. სტრუქტურული ცვლილების შედეგად არსებული 22 ფაკულტეტის ბაზაზე შეიქმნა ექვსი ფაკულტეტი, რასაც ბუნებრივია, სასწავლო პროცესის, სასწავლო პროგრამებისა და გეგმების მნიშვნელოვანი ცვლილება მოჰყვა; უნივერსიტეტის რეფორმის სტრატეგია არაერთი სახელი: კრედიტების დარეგულირება, ტრანსფერის ევროპული სისტემა, სტუდენტთა ცოდნის დონის შეფასების სრულიად ახალი წესი, სტუდენტთა მოტივობა და სხვა. ცხადია, ასეთ ფართო,

ხშირ შემთხვევაში, რადიკალურ ცვლილებებს ხარვეზებიც ახლდა. ვფიქრობთ, დადგა დრო, როდესაც უნივერსიტეტში მოღვაწე სპეციალისტები უნდა შეჯერდნენ და რეფორმების ფონზე კრიტიკულად შეაფასონ დარგების დღევანდელი მდგომარეობა და საგანმანათლებლო პროგრამები. სულ ახლაახან, სწორედ ამ მიზნით, ამოქმედდა შიდა-საუნივერსიტეტო პროექტი „სასწავლო პროგრამების მოდერნიზაცია“. თითოეულ დარგში შეიქმნა დარგობრივი კომისია, რომელმაც უნდა უზრუნველყოს დარგების განვითარების კონცეფციების შემუშავება და მათ საფუძველზე მოახდინოს საგანმანათლებლო პროგრამების მოდერნიზაცია.

დარგების დღევანდელი მდგომარეობის კრიტიკული გადახედვა გულისხმობს უაღრესად კონკურენტული დასაქმების ბაზრის მოთხოვნების გათვალისწინებას, ორმხრივი კონტაქტის დამყარებას და, კონკრეტულად, ყოველ ცალკეულ დარგს წაეყენება, თუმცა საუნივერსიტეტო განათლებას მხოლოდ დასაქმების ბაზრის მოთხოვნებს ვერ მოვარგებთ. უნივერსიტეტში ყოველ დარგს თავისი უნიკალური ისტორია და ტრადიცია აქვს. შესაძლოა, ზოგიერთ მათგანზე დღეს არ არის

კრედიტის ფარგლებში — საუნივერსიტეტო და საფაკულტეტო, ძირითადი და დამატებითი სპეციალობების, თავისუფალი კრედიტების გონივრულად დაგეგმვის პირობებში, სწავლების ამ საფეხურზეცაა შესაძლებელი კონკურენტუნარიანი კადრების აღზრდა. დარგობრივმა კომისიებმა ძირითადი სპეციალობის კურიკულუმის გარდა, დამატებითი სპეციალობის – მაინორის საკითხებზეც უნდა დაუთმონ მნიშვნელოვანი ყურადღება. დასახვნივე ტუტორების ინსტიტუტის მუშაობის მეთოდები, ვინაიდან სწორედ ამ რგოლის კომპეტენციასა და გამართულ მუშაობაზეა დამოკიდებული სტუდენტების გააზრებული და სწორად ორიენტირებული არჩევანი.



ვინაიდან სწორედ მათზეა დამსაქმებელთა მოთხოვნა და, აქედან გამომდინარე, ჩვენი ახალგაზრდებისთვისაც ამგვარი პროგრამები ბევრად უფრო მიმზიდველი და პერსპექტიულია. რაც შეეხება დოქტორანტურას, იგი ჯერ პირველ რიგში უნდა განიხილოს არ ნაბიჯებს დგამს, ჩამოყალიბების პროცესშია. კონცეფციული პროცესის სწორად გააზრება, თანამედროვე მიდგომების პრობლემატიკა და დაინერგვა საჭირო დოქტორანტურის როგორც სასწავლო და კვლევითი კომპონენტთან, ასევე დაფინანსებასთან მიმართებაში.

სამუშაო სერიოზული და რთულია, პრობლემები — ოპერატიულად გადასაჭრელი. დაწყებული საუნივერსიტეტო განათლების რეფორმა, კონკურენტული გარემო დაყვანების უფლებას არ გვაძლევს, საქმე ჩვენი გასაკეთებელია. გონივრულობა, მიზანსწრაფვა და პროფესიონალიზმი გვმართებს! მხოლოდ ამ გზით შეიძლება არსებული ტრადიციისა და მონივრეობის შენარჩუნება.

„მეცნიერებას, პირველ რიგში, აზროვნების სიტამამე სჭირდება“

76-ე საუნივერსიტეტო სამეცნიერო კონფერენციის მონაწილეთა დაჯილდოება

ივანე ჯავახიშვილის სახელობის თბილისის სახელმწიფო უნივერსიტეტის რექტორმა გიორგი ხუბუამ 13 მარტს 76-ე საუნივერსიტეტო სამეცნიერო კონფერენციაში მონაწილე 150-მდე ნომინანტს საპატიო დიპლომები საზეიმოდ გადასცა. მათ ნაშრომებს, ერთ ნივანდ დაბეჭდილს, ფართო საზოგადოება მალე იხილავს.

სათუნა ხატიაშვილი

სტუდენტთა სამეცნიერო კონფერენცია 2007 წლის გაზაფხულზე თსუ-ის სტუდენტთა და ახალგაზრდა მეცნიერთა საზოგადოების ორგანიზებით გაიმართა. საზოგადოების თავმჯდომარის ტარიელ კვიციანიის განცხადებით, ყველა ფაკულტეტზე დარგობრივი სექციებისა და პროფესორ-მასწავლებლებისგან თსუ-ის 38 წევრიანმა შემადგენლობამ კონფერენციაში მონაწილეობის მისაღებად 766 სტუდენტი შეარჩია, შედეგების შეჯამების შემდეგ კი, საუკეთესო ნაშრომების ავტორები გამოავლინა. საპატიო

დიპლომებიც სწორედ ამავი თსუ-ის მიერ საუკეთესო ავტორებად გამოვლენილ სტუდენტებს ხვდათ წილად.

როგორც დიპლომების გადაცემის ცერემონიაზე აღინიშნა, კონფერენციაში მონაწილე სტუდენტებს საშუალება ეძლევათ — ფართო საზოგადოების წინაშე წარმოაჩინონ სწავლის პერიოდში დაგროვილი თეორიული და პრაქტიკული ცოდნა.

სამეცნიერო ცხოვრებაში სტუდენტების აქტიურად ჩართვას უნივერსიტეტის თანამედროვე ცხოვრების პრიორიტეტულ საკითხად მიიჩნევენ თსუ-ის რექტორი გიორგი ხუბუა. სწორედ ამ მიზნით, უკვე მეორე წელია, სპეციალურად შექმნილი 100 ათასი ლარის ბიუჯეტის მქონე ფონდი ფუნქციონირებს, რომელიც საუნივერსიტეტო დაფინანსების პირობებში მცირე თანხას არ წარმოადგენს. რექტორის თქმით, ფონდის ძირითადი არსი არის ის, რომ სტუდენტობისთვის სტიპენდიურ ნახალსებას ჰქონდეს არა სოციალური სახე, არამედ ის იყოს ყველანაირი აქტივობის ერთერთი ხელშეწყობი ფაქტორი, რომელიც მეცნიერებას უკავშირდება.

უმალესი სასწავლებლის ხელმძღვანელობის მხრიდან უნივერსიტეტის მაგისტრანტი და დოქტორანტი სტუდენტების სამეცნიერო საქმიანობაში აქტიურად ჩართვისკენ გადადგმულ ნაბიჯად სახელდება აკადემიური პერსონალის სახელფასო დანამატებისთვის განსაზღვრული კრიტერიუმებიც. რექტორის თქმით, პროფესორ-მასწავლებლებზე გასაცემი სახელფასო დანამატების ოდენობის დადგენისას ცალკე პუნქტია გათვალისწინებული, რომელიც აკადემიურ პერსონალს სამეცნიერო კვლევის სფეროში სტუდენტების აქტიურად ჩართვას ავალდებულებს. „სამეცნიერო სფეროში პრობლემები ბევრია, მაგრამ რეალურად იგრძნობა, რომ მეცნიერება ნაბიჯ-ნაბიჯ იბრუნებს პრესტიჟს, რომელიც არცთუ შორეულ წარსულში, სამწუხარო გარემოების მიზეზით დაიკარგა. დღეს, რეალურად, ჩვენი პროფესორის სახელფასო ანაზღაურება თითქმის გატოლებულია ადამიანთა ვერობის უნივერსიტეტების მაღალი დონის პროფესორის ხელფასთან. ვფიქრობ, ეს ფაქტი ახალგაზრდებისთვის ცუდი მოტივაცია არ უნდა იყოს საიმისოდ, რათა მათ საკუთარი კარიერა სამომავლოდ უნივერსიტეტს და მეცნიერებას დაუკავშირონ. უახლოეს წლებში ჩვენ გვექნება ევროპული ინფრასტრუქტურის უნივერსიტეტი და ეს, პირველ რიგში, სამეცნიერო კვლევების საშუალებებს ეხება“, — აღნიშნა გიორგი ხუბუამ.

ახალგაზრდა მეცნიერებისთვის დიპლომების გადაცემის ცერემონიაზე რექტორმა გააფლერა ახალი ინიციატივა, რომელიც ბანკი „ქართუ“-ს მხრიდან უნივერსიტეტის სამეცნიერო კვლევების სფეროში ფინანსურ მხარდაჭერას ითვალისწინებს. კერძოდ, „ქართუ“ მზად არის, გამოიყოს რამდენიმე მილიონი ლარი, რომელიც უცხოური ნივთების თარგმნას მოხმარდება, ასევე შეიძენენ უცხოეთში ლიტერატურას და მათ თსუ-ის ბიბლიოთეკებში განათავსებენ.

„რაც მეტი სახელმძღვანელო და სამეცნიერო კვლევებისთვის საჭირო ინტელექტუალური ბაზა ექნება უნივერსიტეტს, უკეთესი გარემო შეიქმნება საიმისოდ, რომ სტუდენტების მსგავსი წარმატებების მომსწერ-

ნი ხშირად გავხდეთ. სამეცნიერო საქმიანობა არ არის ერთჯერადი ღონისძიება, მის განვითარებას დიდი პერსპექტივა აქვს. მეცნიერებას, პირველ რიგში, აზროვნების სიტამამე სჭირდება. თავისუფალი აზროვნება კი ყველაზე მეტად ახალგაზრდა თაობაშია წარმოჩენილი. უნივერსიტეტი იმის მოლოდინშია, რომ მომავალი წარმატებები ძველი ფასეულობების ღირსეული გაგრძელება იქნება“, — თქვა რექტორმა.

თსუ-ის სამეცნიერო ცხოვრებაში ბოლო წლებში სტუდენტების მონაწილეობის ინტერესის გაზრდას მნიშვნელოვან მოვლენად აფასებს პროფესორი რისმაგ გორდეზიანი. მისი აზრით, უნივერსიტეტში მოქმედმა ინსტიტუტებმა, რომლებსაც შეუძლიათ საკუთარი ძალებით გამოსცენ სტუდენტების შრომები, უნდა გაზარდონ გამოცემის პერიოდულობა, რადგან ნაშრომების ბეჭდვის არსებული სიხშირე სამეცნიერო კონფერენციებში აქტიური მონაწილეობის სტიმულირებისთვის საკმარისი არ არის.

პროფესორ-მასწავლებლების მხრიდან საინტერესო ინიციატივების წამოჭრისას ითქვას ისიც, რომ ახალგაზრდების სამეცნიერო საქმიანობაში მონაწილეობის მხრივ, თბილისის სახელმწიფო უნივერსიტეტს საინტერესო ტრადიციები აქვს, რომლის აღდგენაც ურიგო არ იქნება. კერძოდ, ცნობილია, რომ ათწლეულების წინათ, საუნივერსიტეტო კონფერენციებზე დასასწრებად და მასში მონაწილეობის მისაღებად ყოფილი საბჭოთა კავშირისა და ევროპის სოციალისტური ქვეყნების უნივერსიტეტებიდან, ყოველწლიურად, თბილისში, 100-მდე სტუდენტი ჩამოდიოდა.

რისმაგ გორდეზიანის თქმით, ამგვარი ურთიერთობები მაშინაც მეტად ეფექტური იყო და მით უმეტეს დღეს, როცა თსუ-ის საუკეთესო საერთაშორისო კონტაქტები გააჩნია, ხოლო ამ ტრადიციის აღდგენა გაცილებით ეფექტური და შედეგიანი იქნება.

თსუ-ის სტუდენტთა და ახალგაზრდა მეცნიერთა საზოგადოება ახლო მომავალში აპირებს, შეუდგეს პერიოდული ბიულეტენების გამოცემას, რომლითაც უნივერსიტეტის საზოგადოებისთვის სტუდენტთა სამეცნიერო მუშაობა ცნობილი გახდება.



გერმანიის კათოლიკური აკადემიის გაცვლის სამსახურის ფონდი ივანე ჯავახიშვილის სახელობის თბილისის სახელმწიფო უნივერსიტეტის სამეცნიერო მუშაობის მსურველ სტუდენტებს გერმანიაში გასამგზავრებლად ფინანსურ დახმარებას სთავაზობს.

აღნიშნული ფონდის წარმომადგენლობამ 17 მარტს სტუდენტებთან შეხვედრა გამართა და სტიპენდიების მოპოვებისთვის საჭირო კრიტერიუმები გააცნო.

სათუნა ხატიაშვილი

როგორც შეხვედრაზე ითქვა, გერმანიის კათოლიკური აკადემიის გაცვლითი სამსახური თავის საქველმოქმედო საქმიანობას ადამიანთა ვერობის ქვეყნებში დიდი ხანია ახორციელებს, ხოლო საქართველოში ამგვარი ფონდი ცოტა ხნის წინათ ამოქმედდა. იმისათვის, რომ ქართული აკადემიური წრეების წარმომადგენლებმა გერმანიაში საქმიანობის განხორციელება შეძლონ, ფონდი უმალეს სასწავლებლებში ინტენსიურ შეხვედრებს აწყობს და ადგილობრივი წარმომადგენლების მეშვეობით, დაინტერესებულ პირებთან კონსულტაციებს მართავს.

ამ სამსახურის ეგიდით, თსუ-ში გერმანიის საელჩოს მუდმივმა წარმომადგენელმა საქართველოში კრისტიან პერნ ჰოოსტმა სტუდენტებთან შეხვედრისას თემატური ლექცია წაიკითხა და საქართველოში გერმანელების მოღვაწეობის ისტორიულ ასპექტებზე გაამაზივლა ყურადღება. ორი ქვეყნის თანამედროვე პარტნიორული ურთიერთობის საკითხებზე არანაკლებ საინტერესოა საქართველოში გერმანელების ჩამოსახლებისა და კავკასიაში მათი მოღვაწეობის დეტალები. კრისტიან პერნ ჰოოსტის თქმით, გერმანელებისა და ქართველების ურთიერთობაში დღევანდელი წარმატებულობის წინაპირობა სწორედ ისტორიის იმ მონაკვეთიდან

იღებს სათავეს, როცა 1818 წელს კოლონიზატორების მიერ შევიწროებული 500-მდე გერმანული ოჯახი კავკასიაში გამოჩნდა და თავშესაფარი საქართველოში ჰპოვა. კულტურულ სფეროში ერთობლივი მოღვაწეობის თვალსაჩინო მაგალითად კი მან თბილისის ოპერისა და ბალეტის სახელმწიფო აკადემიური თეატრის შენობა დაასახელა, რომელიც მეოცე საუკუნის დასაწყისში გერმანელი არქიტექტორის მიერ აშენდა და ხანძრის შედეგად საჭირო რეაბილიტაციაზე კვლავ გერმანელი სპეციალისტების მონაწილეობით ჩატარდა. გერმანელების მხრიდან საქართველოს ყველა ასპექტით გაცნობის მუდმივ ინტერესს, დიპლომატიის განმარტებით, ადასტურებს ის, რომ პროფესიული საქმიანობიდან გამომდინარე, 250-მდე გერმანიის მოქალაქე, ამჟამად, საქართველოში ცხოვრობს, ამ ქვეყნის გაცნობის მიზნით ყოველწლიურად ჩამოსულ უცხოელებს შორის კი გერმანელების რიცხვი მუდმივად ყველას აჭარბებს.

გერმანიის ამგვარი დაინტერესება საქართველოსადმი თანამედროვეობაში აისახება ყველა დონის ურთიერთობაში და აქედან გამომდინარე, გერმანიის კათოლიკური აკადემიის გაცვლის სამსახური მიიჩნევს, რომ ამგვარი დაინტერესება ცალმხრივი არ უნდა იყოს. ორმხრივი კონტაქტების არსებულზე მეტად გაღრმავების მიზნით, ფინანსური ხელშეწყობის გარდა, აღნიშნული ფონდის წარმომადგენლები ხშირად სტუმრობენ ქვეყნის

რეგიონებს, ხვდებიან საზოგადოების ყველა ფენის წარმომადგენლებს და სტუმრობენ საგანმანათლებლო სამეცნიერო კვლევით დაწესებულებებს, სადაც გაცნობითი სახის სემინარებს მართავენ. როგორც შეხვედრაზე

აღინიშნა, პირადად კრისტიან პერნ ჰოოსტის თბილისის სახელმწიფო უნივერსიტეტს შარშანაც სტუმრობდა და სტუდენტებს გაერთიანებული ევროპისა და ამ ქრისტიან საქართველოს პერსპექტივებზე ესაუბრა.



პოლონელმა ღვთისმეტყველმა და მათემატიკოსმა, ან გარდაცვლილი პაპი იოანე პავლე მეორეს უახლოესმა მეგობარმა, მიხეილ ჰელერმა ყველაზე დიდი სამეცნიერო პრემია მიიღო გამოკვლევებისათვის, რომელიც ასაბუთებს — თუ როგორ შეიძლება მათემატიკამ, არაპირდაპირი გზებით, ღმერთის არსებობა დაადასტუროს. სამოცდა-



თორმეტი წლის კოსმოლოგიისა და ფილოსოფიის პროფესორი მიხეილ ჰელერი მათემატიკისა და მეტაფიზიკის განხრით მუშაობს. ეს პრემია კი — 820 ათასი ევრო — მას ნიუ იორკში გადასცეს.

მიხეილ ჰელერის თეორიები იმდენად ღმერთის არსებობას არ ადასტურებს, რამდენადაც ეჭვებს ბადებს — არის თუ არა ჩვენს ირგვლივ სამყარო ნამდვილად მატერიალური. მან შეიმუშავა რთული ფორმულა, რომელიც ყოველივეს, მათ შორის შემთხვევითობასაც მათემატიკური გაანგარიშების საშუალებით ხსნის.

ფონდი ტემპლტონი, რომელმაც მეცნიერს პრემია გადასცა დევიზით: „სულიერი რეალობის სფეროში კვლევებისა და აღმოჩენების პროგრესისათვის“ 1973 წელს დაარსდა და პრემიის თანხას ყოველწლიურად ზრდის, რათა ნობელის პრემიას გაუტოლდეს. თავად მიხეილ ჰელერმა მამინვე განაცხადა, რომ ამ თანხას კრაკოვში, კოპერნიკის სახელობის ცენტრის დასაარსებლად გამოიყენებს. ეს ცენტრი კი სწორედ სამეცნიერო და თეოლოგიური კვლევებით დაკავდება.

კათოლიკური ეპლსიანი გალილეო გალილეისა და მარტინ ლუთერის რეაბილიტაციისთვის ემზადება. პაპი ბენედიქტ XVI განცხადებით, გალილეო გალილეის ქანდაკება ვატიკანში სწორედ იმ ოთახის ფანჯრების წინ აღიმართება, სადაც ასტრონომი სასამართლოს ელოდებოდა. ამ ცოტა ხნის წინ, უნივერსიტეტმა პაპის მიღებაზე უარი იმ მოტივით განაცხადა, რომ ჯერ კიდევ ეპისკოპოსობის პერიოდში, ამ უკანასკნელმა გალილეო გალილეისა და ჯორდანო ბრუნოს წინააღმდეგ გაილაშქრა. ამჯერად კი, პაპის სამეცნიერო აკადემიის წევრმა, ბირთვული ფიზიკის პროფესორმა ნიკოლო კაბიბომ განაცხადა, ეკლესიას ამ

ნაბიჯით გალილეის საქმის დახურვა, მისი მემკვიდრეობის გადაფასება და მეცნიერებისა და რწმენის ურთიერთდამოკიდებულების მტკიცე ურთიერთობის ერთხელ და სამუდამოდ მოგვარება სურსო. მარტინ ლუთერის საკითხი კი რამდენადმე სხვაგვარად დგას და გაცილებით პრობლემატურია. როგორც ცნობილია, ამ გერმანელმა თეოლოგმა საფუძველი რეფორმაციასა და პროტესტანტულ მოძრაობას ჩაუყარა. კათოლიკური ეკლესია კი მის იდეებს დღემდე არ აღიარებს. მორალური ხმების მტკიცებით, ვატიკანში სერიოზულად ეძებენ გზებს, რათა ლუთერის სახელი ამ მიმდინარეობისგან გამოაცალკეონ.

ბიომეტრია უფრო და უფრო იკიდებს ფეხს საზოგადოების ყოველდღიურ ცხოვრებაში. ადრე თითქმის ანაბეჭდი მხოლოდ პოლიციას აინტერესებდა, დღეს კი მისი გამოყენება სხვა სფეროებსაც სურს. მაგალითად, ლონდონის აეროპორტში მანქანის დაქირავება მხოლოდ თითქმის ანაბეჭდის დატოვების შემდეგ შეიძლება. ეს პოლიციისა და გამაქირავებელი ფირმის ერთობლივი ექსპერიმენტია, თუმცა იგი ყველა კლიენტისთვის სავალდებულოა. მანქანის მოპარვის ან უბედური შემთხვევის შემდეგ, ფირმა პოლიციას თითქმის ანაბეჭდს გადასცემს, ეს კი მათ მუშაობას ძალიან ააიოლებს. „ეს პირად ცხოვრებაში შეჭრას არ ნიშნავს,

უბრალოდ, ახალ წესრიგს უნდა მივცვიოთ. პოლიცია ხომ ამ ანაბეჭდს მხოლოდ დანაშაულის ჩადენის შემთხვევაში მიიღებს“ — განაცხადა პოლიციის სერჟანტმა. რა თქმა უნდა, ახალი წესრიგი ბევრს არ მოეწონა და ზოგიერთებმა სასამართლოსაც კი მიმართეს. მიუხედავად ამისა, დიდ ბრიტანეთში ბიომეტრიის პროცესი კვლავ ვითარდება. უკვე გაჩნდა პასპორტის, რომელშიც მიკროჩიპია დამონტაჟებული მფლობელის მონაცემებით. ასეთი პასპორტი მილიონზე მეტმა ადამიანმა ნებაყოფლობით აიღო. უახლოეს მომავალში, სუპერმარკეტებშიც საკრედიტო ბარათების ნაცვლად, ალბათ, თითქმის ანაბეჭდს გამოიყენებენ.



- მიცნობა ადამიანის სიამოვნების რეიტინგული სია შექმნეს. ამ ორმოცდაათ პუნქტიან სიაში, ინტიმური სიამოვნების, შიმშილისა და წყურვილის მოკვლის გარდა, შემდეგი საინტერესო პუნქტები გაჩნდა:
1. სარკეში საკუთარი თავის თვალიერება.
 2. დიდი ფულის მიღება.
 3. უსიამოვნო სტუმრის თავიდან მოშორება.
 4. ახალი ნივთის შეძენა.
 5. ძაღლისთვის ან კატისთვის ხელის გადასმა.
 6. ცხვირის დაცემინების უკანასკნელ მომენტში განცდილი ალტაცება.
 7. საყვარელი გუნდის მიერ გატანილი გოლი.
 8. ახალი ავტომობილით დიდი სისწრაფის განვითარება.
 9. სხვისი წერილის ნაკითხვა და სატელეფონო საუბრის მოსმენა.
 10. უკანასკნელი პაემნის მოუთმენელი მოლოდინი.
 11. გაქათქათებულ თეთრფულში ჩანოლა.
 12. ინტიმური სიახლოვის მომენტის გადავადება — ქალებისთვის.
 13. ქალის სხეულის თვალიერება — მამაკაცებისთვის.
 14. სხვისი უბედურების ამბავი — „მადლობა ღმერთს, მე ამცდდა“.
 15. გემრიელი საჭმელი, რომელშიც ფული სხვამ გადაიხადა.

მასალა მოამზადა მანანა მიძელაძემ

პრინჯაოს ხანის ყინულის კაცის — „ოტცის“ დეტექტიური ისტორია

გურამ ლორთქიფანიძე, პროფესორი

1991 წლის სექტემბერში ავსტრიაში ყოფნისას არქეოლოგიური სენსაციის მოწმე გახდი. ავსტრიის ტელევიზია მრავალსაათიან რეპორტაჟს ანარმოებდა, რასაც მთელი ევროპაც ადევნებდა თვალს. ე.წ. იტალიის ალპებში, ხაუსლაბიხთან მყინვარ სიმილაუნთან 21 მეტრიან ხრამის პირას ალპინისტებმა ჰელმუტ და ერიკა სიმონებმა შეამჩნიეს ყინულსა და თოვლის ნამქერში შავი ფერის უცხო სხეული. ახლოს მისვლისას ცოლ-ქმარი დარწმუნდა, რომ ეს იყო ადამიანის გვამი. გამოიძახეს ჟანდარმები, რომლებმაც კრიმინალური ძიების სირთულისა და გარკვეული პასუხისმგებლობის თავიდან აცილების მიზნით განაცხადეს: მიცვალებული იტალიის ტერიტორიაზე კი არ იყო, არამედ ავსტრიის ეკუთვნოდა და შესაბამისად ავსტრიის ჟანდარმერიამ უნდა აწარმოოს გამოძიება. ამის გამო, ეს უნიკალური არქეოლოგიური აღმოჩენა ავსტრიის პროკურატურის — ფემიდის განკარგულებაში აღმოჩნდა. გაიხსნა საქმე 9/1/619 და ყინულის ტყვეობისგან ცხელი ჰაერის ჭავლით დახსნილი გვამი პოლიციის პათოლოგანატომებს გადაეცა. ისინი მალე დარწმუნდნენ, რომ არაჩვეულებრივ არქეოლოგიურ აღმოჩენასთან ჰქონდათ საქმე. ინსტრუქის უნივერსიტეტიდან მოიწვიეს არქეოლოგი კონრად შპინდლერი, ჩატარდა არქეოლოგიური გათხრები, რის შედეგად წარმოჩინდა შემდეგი სურათი: ნათასი წლის წინათ, ჩია კაცი, 160 სმ. სიმაღლისა, მთაში სიარულისგან დაღლილი, ძაღლის მოსაკრებად, ხრამის ძირში, ბლაახისა და ფოთლების გროვზე დანოლილა (მარცხენა გვერდზე), თავქვეშ ქვა დაუდია. ფიქრობენ, რომ დასვენებისათვის თილისთვის თადარიგიც დაუჭერია — ხისტარბანი, სპილენძის ცული, კაპარჭი (ძვლისპირიანი ისრებით), მშვილდი და ბაგა კლდეზე დაუდვია. მას აქ მოუხსრო სიკვდილმა, რომლის მიზეზი, სავარაუდოდ, ჭრილობები და ქარბუქი გახლდათ. მისი სხეული თოვლისა და ყინულის ფენამ დაიცვა, ამიტომ მეცნიერებს მისი სრული, კომპლექსური შესწავლის უნიკალური საშუალება მიეცათ.

რადიონახშირბადის მეშვეობით დადგინდა ოტცის ცხოვრების ხანა — ძ.წ. 3350-3300 წლების პერიოდი. ბიოლოგებმა დაადგინეს ყინულ-კაცის ასაკი — 47 წელი და წონაც — 50 კგ. დნკ-ს თანახმად ის ე.წ. გვიანი ევროპეიდების წარმომადგენლებს ეკუთვნოდა. სიკვდილის მომენტში ოტცი ძალაგამოცლილი და მშვიდი ყოფილა, კუჭი ცარიელი ჰქონდა, ხოლო ორგანიზმი დასუსტებული, გამოფიტული. შემორჩენილი თმების სიგრძე 9 სმ აღწევდა. კბილები კარგ მდგომარეობაში ჰქონდა, თუმცა საკმაოდ გაცვეთილი კევის — არყის ხის კანის რეგულარული ღეჭვის გამო. მას სერიოზულად ანუხებდნენ პარაზიტები, რევმატიული ართრიტი, ცუდად შეხორცებული ტრამეები. სპეციალისტებმა კიდურებით და ფრჩხილებით დაადგინეს, რომ მას მუდმივად მძიმე, ფიზიკური შრომა ჰქონია. დათვისა და ირმის ტყავისგან შეკერილი და თივით ჩათხუნებული ფეხსაცმელები ეცვა, რომელიც თასმებით იკვრებოდა. მისი ტყავისა და ბენეფულის ტანსაცმელი ზუსტად მიესადაგებოდა მთაში ცხოვრების წესებს. თავზე ბენვის ქუდი ეხურა, რომელიც ნიკაპქვემ ტყავის თასმებით იკვრებოდა. წამოსხმული ჰქონდა ალპურ მცენარეთა ბოჭკოებისგან მოქსოვილი მოკლე ლაბადა. ეთნოგრაფების დასკვნით, მსგავს წამოსახამებს ალპებში ჯერ კიდევ XIX საუკუნის ბოლოსა და XX საუკუნის დამდეგსაც ატარებდნენ. ოტცის წამოსახამის ქვეშ თხის ტყავის უსახელო ტყაპუჭი ეცვა, თხის ტყავის ერთმეტრიანი ნაჭერი წელამდე ჰქონდა შემოხვეული და ლაგებში გატარებული. წელზე ერტყა ტყავის ქამარი, მასზე ჩამოკიდებული ჰქონდა კაჟის, იფნის ხისტარბანი დანა — ტყავის ბუდეში. მას აღმოაჩნდა კაჟის იარაღის ძვლის ხისტიანი ე.წ. რეტუსორი სამუშაოს პირის გასაწყობად. საერთო ჯამში, ოტცის თან ჰქონდა ხისგან დამზადებული 18 სახეობის საგანი, მათ შორის



მთავარი რედაქტორი	ნინო კაკულია	რედაქციის წევრები:	ნოდარ ბელქანი, გია მაჩაბელი, ზაზა ფირალიშვილი, ვახტანგ გურული, ნინო ჩიხლაძე, ნანა ჭილაძე, ნოდარ ხალუა, თემურ ნადარეიშვილი
მთავარი სამცხალისტი	მაია ტორაძე	მისამართი:	ილია ჭავჭავაძის გამზ.1
ტექნიკური რედაქტორი	მანანა ჯურხაძე	კომპიუტ. უზრუნველყოფა	თამარ ქავჭავაძე
კომპიუტ.	უზრუნველყოფა	თამარ ქავჭავაძე	22 10 34